

**Adroddiad i'r:** Pwyllgor Craffu Partneriaethau

**Dyddiad y Cyfarfod:** 14 Mawrth 2013

**Awdur yr Adroddiad:** Y Cydlynnydd Craffu

**Teitl:** Rhaglen Gwaith Craffu

---

**1. Beth yw byrdwn yr adroddiad?**

Mae'r adroddiad yn cyflwyno'i blaenraglen waith ddrafft i'r Pwyllgor Craffu Partneriaethau er mwyn i'r aelodau ei hystyried.

**2. Beth yw'r rheswm am lunio'r adroddiad hwn?**

Ceisio cael y Pwyllgor i adolygu a chytuno ei raglen waith i'r dyfodol a rhoi'r wybodaeth ddiweddaraf i'r aelodau am faterion perthnasol.

**3. Beth yw'r argymhellion?**

Bod y Pwyllgor:

- 3.1 yn ystyried y wybodaeth a ddarperir ac yn cymeradwyo, yn diwygio neu'n newid ei blaenraglen waith fel yr ystyria'n briodol; ac yn
- 3.2 enwebu cynrychiolwyr o blith ei aelodau i wasanaethu ar y Grwpiau Her Gwasanaeth ar gyfer gwasanaethau 'Cwsmeriaid' ac 'Adnoddau Dynol Strategol'.

**4. Manylion yr adroddiad.**

- 4.1 Mae Erthygl 6 Cyfansoddiad y Cyngor yn gosod amodau gorchwyl, swyddogaethau ac aelodaeth pob Pwyllgor Craffu, wrth i reolau gweithdrefnau ar gyfer pwyllgorau craffu gael eu gosod yn Rhan 4 y Cyfansoddiad.
- 4.2 Mae Cyfansoddiad Cyngor Sir Ddinbych yn gofyn i bwyllgorau craffu baratoi a chadw adolygu rhaglen ar gyfer eu gwaith i'r dyfodol. Trwy adolygu a blaenoriaethu materion, gall aelodau sicrhau bod y rhaglen waith yn cyflwyno agenda wedi'i arwain gan aelodau.
- 4.3 Ers nifer o flynyddoedd, mabwysiadwyd arfer yn Sir Ddinbych i bwyllgorau craffu gyfyngu ar nifer yr adroddiadau a ystyrir mewn unrhyw un cyfarfod i uchafswm o bedwar yn ogystal ag adroddiad rhaglen waith y Pwyllgor ei hun. Amcan y dull hwn yw hwyluso dadl fanwl ac effeithiol ar bob pwnc.
- 4.4 Gofynnir i'r Pwyllgor ystyried ei raglen waith ddrafft ar gyfer cyfarfodydd i'r dyfodol fel y manylir arnynt yn atodiad 1 a'i chymeradwyo, ei diwygio neu ei newid fel yr ystyria'n briodol. Wrth benderfynu ar y rhaglen

waith, gofynnir i'r aelodau ystyried:

- materion a godwyd gan aelodau'r Pwyllgor
- materion y cyfeiriwyd ato gan y Grŵp Cadeiryddion ac Is-gadeiryddion Craffu
- perthnasedd i flaenoriaethau'r Pwyllgor/y Cyngor/y gymuned
- Cynllun Corfforaethol y Cyngor ac Adroddiad Blynyddol Cyfarwyddwr y Gwasanaethau Cymdeithasol
- baich gwaith y cyfarfod
- amseroldeb
- canlyniadau
- materion allweddol a gwybodaeth i'w chynnwys mewn adroddiadau
- swyddogion ac/neu aelodau arweiniol y Cabinet y dylid eu gwahodd (ar ôl ystyried ydy eu presenoldeb yn angenrheidiol neu a fyddent yn ychwanegu gwerth)
- cwestiynau i'w rhoi i'r swyddogion/aelodau arweiniol y Cabinet

4.5 Wrth ystyried eitemau i'w cynnwys i'r dyfodol ar y blaenraglen waith, gallai aelodau ei chael hi'n ddefnyddiol hefyd ystyried y cwestiynau canlynol wrth benderfynu ar addasrwydd pwnc i'w cynnwys ar y rhaglen waith:

- beth yw'r mater?
- pwy yw'r rhanddeiliaid?
- beth a edrychir arno mewn manau eraill?
- beth mae angen i graffu ei wybod? a
- phwy allai gynorthwyo?

4.6 Fel y crybwyllwyd ym mharagraff 4.2, mae Cyfansoddiad Cyngor Sir Ddinbych yn gofyn i bwyllgorau craffu baratoi a chadw adolygu rhaglen o'u gwaith i'r dyfodol. Er mwyn cynorthwyo'r broses o flaenoriaethu adroddiadau, os ydy swyddogion o'r farn fod pwnc yn haeddu cael amser i'w drafod ar agenda fusnes y Pwyllgor, mae'n rhaid iddynt ofyn yn ffurfiol i'r Pwyllgor ystyried cael adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n egluro'r diben, pwysigrwydd a chanlyniadau posibl pynciau a awgrymir. Mae un ffurflen gynnig o'r fath wedi dod i law i'r Pwyllgor ei hystyried. Mae'r cais hwn, sydd i'w weld yn atodiad 2, yn ymwneud â rôl Coleg Glannau Dyfrdwy/Coleg Llysfasi wrth gyflwyno addysg yn Sir Ddinbych ac mewn partneriaeth â'r Cyngor. Gofynnir i aelodau ystyried y cais hwn. Os derbynnir yr eitem hon ar flaenraglen waith y Pwyllgor ar gyfer mis Gorffennaf, gofynnir i aelodau benderfynu a ddymunant aildrefnu unrhyw un o'r eitemau eraill sydd eisoes wedi'u rhestru ar gyfer y cyfarfod hwnnw i gyfarfod y dyfodol, neu eu derbyn nhw mewn fformat arall.

#### Newidiadau i'r Blaenraglen Waith

4.7 Daeth dau gais i'r Pwyllgor ystyried adroddiadau cyn iddynt gael eu cyflwyno i'r Cabinet i law cyn y cyfarfod presennol. Roedd y cais cyntaf yn gofyn i'r Pwyllgor ystyried yr achos busnes llawn ar gyfer y Gwasanaeth Cynllunio mewn Argyfwng Rhanbarthol arfaethedig cyn iddo gael ei gyflwyno i'r Cabinet benderfynu arno ar 19 Mawrth. Gan

mai'r cyfarfod presennol oedd unig gyfarfod y Pwyllgor hwn y gellid cynnal craffu cyn penderfynu ynddo, caniatodd y Cadeirydd a'r Is-gadeirydd i gynnwys yr eitem ar agenda fusnes y cyfarfod. O ganlyniad, mae'r adroddiad ar y Gwasanaethau Cymorth Iechyd Meddwl Sylfaenol Lleol, a drefnwyd yn wreiddiol ar gyfer y cyfarfod presennol, wedi'i aildrefnu ar gyfer cyfarfod nesaf y Pwyllgor gyda chynrychiolwyr Bwrdd Iechyd Prifysgol Betsi Cadwaladr (BCUHB) ar ddydd Llun, 10 Mehefin 2013. Bydd hwn yn gyfarfod mwy priodol i drafod y pwnc gan ei fod yn gyfarfod sydd wedi ymroi i drafod materion cysylltiedig â'r gwasanaeth iechyd.

- 4.8 Roedd yr ail gais yn gysylltiedig â Phrosiect Cydweithredu Cludiant Teithwyr Rhanbarthol. Gan fod yr achos busnes amlinellol ar gyfer y gwasanaeth arfaethedig hwn yn gofyn am graffu cyn penderfynu cyn i'r Cabinet ystyried y cynigion ym mis Mai, a chan fod cyfarfod nesaf y Pwyllgor hwn ym mis Ebrill eisoes wedi'i neilltuo ar gyfer materion llifogydd, cytunodd y Cadeirydd a'r Is-gadeirydd ganiatáu iddo gael ei gynnwys ar agenda fusnes y cyfarfod presennol. Er mwyn darparu ar gyfer y cais hwn, gohiriwyd yr eitem ar Gydweithredu Rhanbarthol ar Ddatblygu Economaidd tan fis Medi, oherwydd rhagwelir y bydd gwybodaeth fanylach ar gael am y pwnc hwn.
- 4.9 Blaenraglen Waith y Cabinet  
Wrth benderfynu ar eu rhaglen waith i'r dyfodol, mae'n ddefnyddiol i'r pwyllgorau craffu ystyried y rhaglen waith i'r dyfodol sydd wedi'i threfnu i'r Cabinet. I'r perwyl hwn, mae copi o flaenraglen waith y Cabinet ynghlwm yn Atodiad 3.
- 4.10 Cynnydd ar Benderfyniadau'r Pwyllgor  
Mae tabl sy'n crynhoi penderfyniadau diweddar y Pwyllgor ac sy'n rhoi gwybod i'r aelodau am gynnydd o ran eu gweithrediad ynghlwm yn Atodiad 4 i'r adroddiad hwn.
- 4.11 Grwpiau Her Gwasanaeth  
Mae'r Pwyllgor eisoes wedi penodi nifer o aelodau i wasanaethu fel cynrychiolwyr ar Grwpiau Her Gwasanaeth y Cyngor. Gellir gweld rhestr lawn o'r holl gynrychiolwyr craffu ar y Grwpiau hyn yn Atodiad 5 i'r adroddiad hwn. Pan wnaed y penodiadau hynny, cynhwyswyd 'Cwsmeriaid' yng Ngrŵp Her Gwasanaeth y Gwasanaethau Addysg a phenododd y Pwyllgor y Cynghorydd Brian Blakeley fel cynrychiolydd iddo. Fodd bynnag, gan fod 'Cwsmeriaid' bellach yn ffurfio rhan o un o saith blaenoriaeth gorfforaethol y Cyngor ar gyfer y cyfnod 2012-17, mae 'Cwsmeriaid' wedi'i wahanu o'r Gwasanaethau Addysg at ddiben y broses Her Gwasanaeth. Ar y sail honno, gofynnwyd i'r Pwyllgor enwebu Aelod i wasanaethu fel cynrychiolydd iddo ar y Grŵp Her Gwasanaeth 'Cwsmeriaid'.
- 4.12 Bydd yr aelodau hefyd yn gweld o'r rhestr atodedig fod y Pwyllgor heb benodi cynrychiolydd eto i wasanaethu ar y Grŵp Her Gwasanaeth ar gyfer Gwasanaethau'r Adnoddau Dynol Strategol. Er mwyn i graffu

gael cynrychiolaeth lawn ar y Grwpiau hyn pan fydd y set nesaf o gyfarfodydd Her Gwasanaeth yn dechrau, gofynnir i'r Pwyllgor enwebu cynrychiolydd i wasanaethu ar y Grŵp Her Gwasanaeth Adnoddau Dynol Strategol.

**5. Grŵp Cadeiryddion ac Is-gadeiryddion Craffu**

Dan drefniadau craffu'r Cyngor, mae'r Grŵp Cadeiryddion ac Is-gadeiryddion Craffu'n perfformio rôl pwyllgor cydlynu. Trefnir i'r Grŵp hwn gyfarfod eto ar 7 Mawrth 2013. O ganlyniad, bydd unrhyw argymhellion neu benderfyniadau a wneir gan y grŵp yn y cyfarfod hwnnw, naill ai'n uniongyrchol neu'n anuniongyrchol, yn effeithio ar y Pwyllgor Craffu Partneriaethau, yn cael eu hadrodd ar lafar i'r Pwyllgor ar 14 Mawrth.

**6. Sut mae'r penderfyniad yn cyfrannu at y Blaenoriaethau Corfforaethol?**

Bydd craffu effeithiol yn cynorthwyo'r Cyngor i gyflawni ei flaenoriaethau corfforaethol yn unol ag anghenion y gymuned a dymuniadau'r trigolion. Bydd datblygiad ac adolygiad parhaus o raglen waith gydlynol yn cynorthwyo'r Cyngor wrth fonitro ac adolygu materion polisi.

**7. Beth fydd y gost a sut bydd yn effeithio ar wasanaethau eraill?**

Gallai fod angen i wasanaethau glustnodi amser swyddog i gynorthwyo'r Pwyllgor gyda'r gweithgareddau a nodwyd yn y blaenraglen waith, a chydag unrhyw gamau a allai ddeillio yn dilyn yr ystyriaeth o'r eitemau hynny.

**8. Pa ymgynghoriadau a gynhaliwyd?**

Nid oes angen rhai ar gyfer yr adroddiad hwn. Fodd bynnag, mae'r adroddiad ei hun a'r ystyriaeth o'r blaenraglen waith yn cynrychioli proses ymgynghori gyda'r Pwyllgor mewn perthynas â'i raglen o waith i'r dyfodol.

**9. Pa risgiau sydd ac a oes unrhyw beth y gallwn ni ei wneud i'w lleihau?**

Ni nodwyd unrhyw risgiau mewn perthynas â'r ystyriaeth o flaenraglen waith y Pwyllgor. Fodd bynnag, trwy adolygu ei flaenraglen waith yn rheolaidd, gall y Pwyllgor sicrhau bod meysydd risg yn cael eu hystyried a'u hastudio wrth iddynt gael eu nodi ac y caiff argymhellion eu gwneud gyda'r bwriad o fynd i'r afael â'r risgiau hynny.

**10. Y grym i wneud y penderfyniad**

Mae Erthygl 6.3.7 Cyfansoddiad y Cyngor yn amodi bod rhaid i bwyllgorau craffu'r Cyngor baratoi a chadw adolygu rhaglen ar gyfer eu gwaith i'r dyfodol.

**Swyddog Cyswllt:** Y Cydlynnydd Craffu      Rhif ffôn: (01824) 712554  
E-bost:      [dcc\\_admin@denbighshire.gov.uk](mailto:dcc_admin@denbighshire.gov.uk)